



850

Sarajevo, 2. 4. 2019. god.

Broj: 01-684/19

Skupština Kantona Sarajevo  
Predsjedavajući Elmedin Konaković  
Reisa DŽ. Čauševića 1  
Sarajevo

### **Predmet: Odgovor na zastupničko pitanje**

Poštovani,

Na Petoj radnoj sjednici Skupštine Kantona Sarajevo, održanoj dana 27. 2. 2019. godine, u okviru tačke Dnevnog reda „Poslanička/zastupnička pitanja, inicijative i odgovori“, zastupnica Arijana Memić postavila je sljedeće zastupničko pitanje:

„Molim da mi se dostavi informacija o broju zaposlenih radnika na određeno i neodređeno vrijeme u JU „Studentski centar“ Sarajevo u periodu 2018. i 2019. godine, te da li su provedene konkursne procedure prilikom zapošljavanja. Posjedujem informacije da je došlo do navedenog zapošljavanja bez odobrenja Vlade KS unatoč moratoriju na zapošljavanje, što predstavlja direktno kršenje odluka Skupštine KS i Vlade KS.“

### **Odgovor**

U vezi sa postavljenim pitanjima uvažene zastupnice Arijane Memić dajemo sljedeći odgovor:

Tokom 2018. godine je zaposleno 17 lica na određeno vrijeme i 4 lica na neodređeno vrijeme.

Za svako zaposleno lice je provedena konkursna procedura, i za svako zapošljavanje postoji saglasnost nadležnog ministarstva Vlade KS broj broj 11/05-38-27692/17 od 07.02.2018. i saglasnost broj 02-05-30843-34/18 od 31. 8. 2018 tako da nije došlo do kršenja moratorija na zapošljavanje.

Najveći broj zaposlenih je NK radnika i radnika sa srednjom stručnom koji su neophodni za redovno obavljanje osnovnih djelatnosti JU „Studentski centar“ Sarajevo.

Treba istaknuti da i u trenutnoj situaciji 20 mjesta predviđenih Pravilnikom o sistematizaciji radnih mjesta nije popunjeno, te da nije došlo do ovog zapošljavanja JU „Studentski centar“ ne bi mogao funkcionisati. Međutim, još jednom želimo naglasiti da je svako zapošljavanje zasnovano na saglasnosti Vlade KS i da je svaki zaposlenik koji je zasnovao radni odnos primljen u Ustanovu nakon provedene konkursne procedure.

Treba istaknuti da JU „Studentski centar“ Sarajevo je u prošloj godini imao velikih problema u radu radi velikog broja dana bolovanja. Naime, više od 42.000 sati su zaposleni bili na bolovanjima. Razlog za ovako veliki broj bolovanja je to što je starosna struktura zaposlenih dosta velika, te više od 100 radnika ima više od 50 godina kod kojih su bolovanja učestalija. Dalje, treba istaknuti da je u od 2017.

i 2018. godini 11 radnika otišlo u penziju a da u Ustanovi ima zaposleno 16 invalida rada koji su u najvećoj mjeri i bili zaposleni na radnim mjestima na kojima su zaposleni radnici na određeno vrijeme. Također je bitno napomenuti da je u ranijim godinama JU „Studentski centar“ Sarajevo angažovao radnike u ovakvim slučajevima putem studentskog servisa koji je trenutno prekinuo sa radom do završetka valjane registracije.

Kod lica koja su zaposlena na nedoređeno vrijeme bitno je naglasiti da iako je Vlada KS dala suglasnost za zapošljavanja 6 lica, izmjenom sistematizacije i dodatnim opterećenjem određenog broj radnika zaposleno je samo 4 lica a u cilju ušteta u poslovanju za JU „Studentski centar“ Sarajevo.

Dokaz ekonomičnog poslovanja je to što već drugu godinu JU „Studentski centar“ Sarajevo posluje pozitivno i jer je u 2018. godini prvi put nakon gotovo 10 godina radnicima isplaćen regres.

Također treba naglasiti da je inspekcija rada izvršila više nadzora na zapošljavanja i da nije dostavila niti jednu zamjerku.

Tokom 2019. godine nije bilo zapošljavanja jer su i dalje angažovani radnici koji su zaposleni tokom 2018. godine ali nakon isteka ugovora zaposlenima na određeno vrijeme nužno će biti ponovo zaposliti radnike na određeno vrijeme za što će se tražiti saglasnost resornog ministarstva.

Dostaviti:

- Naslovu
- a/a



Direktor

[REDACTED]  
Farik Čurić, mr. oec